



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 3. Apud Calchaquinos sedes Societatis restituitur.

**urn:nbn:de:hbz:466:1-38528**

titatem quærens, spolium pudoris sponso candido & rubicundo oblatum venit. Impotente noxiâque verecundiâ factilegè celaverat jamdiu Sacerdotes nefanda quædam facinora vir impius, nec in animum inducebat se illa posse aliquando detegere. Cùmque ideo bona, quorum Christi beneficiò hæredes sumus, adipisci deliperaret, præsentibus tantum inhiabat. Coronabat se defloratum virginum venereis rosis, & nullum matronarum pratum, quod non lubricè pertransiret, relinquebat. Et si quandoque sibi resisti sentiret, quominus libidine destinata frueretur, dæmone pro lenone utebatur; cui, pro lenocinii mercede, animam nefariè despondebat. Hoc hominis monstrum unâ vice tantum alloquutus è Partibus unus, reperit, ecclitùs immissâ cogitatione, velle respicere: audiit itaque reum scelera sua explicantem, tanto cum animi dolore, ut illi non dubitâit spem veniæ certam facere, & exemplis ostendere talia subinde permitti à Deo Optimo Maximo, ut patefaciat divitias bonitatis suæ. In Sancti Michaëlis urbe multi Æthiopes sub conditione relati sunt; quorum unus interrogatus à nostris, nūm intellexisset quid secum factum fuisset, cùm Angolæ baptizaretur, respondit se nequaquam intelligere potuisse, quod alia quam Angolanâ linguâ Sacerdotes uterentur: & sic non frustra denuò lotus est Æthiops. Currus, quo è nostris unus vehebatur, in spinetum sylvestre impegit, in quo Indum animam vix jam trahentem cùm represisset, hominem solatus est spe potiundæ beatitudinis, ad quam indubie invitat videbatur hoc non fortuito, sed à Superis disposito casu. Agnoscentis æger Cœli beneficium, animam confessione purgavit, quam sub noctem ejusdem diei felicissimè benefactori suo reddidit. Eandem urbem, vicinaque loca infestabat infamis præstigiator, cui mos erat in obviis pagis museolo stramineo se includere, è quo quotquot eò loci aderant, suo quemque nomine, quamvis nullum nosset, compellebat, dictans se à Deo missum, ut solatio mœstis foret, & dubiis consilio. Mentiabatur se grandinum & pluvia patrem, suâque ope triticum maturescere, per se morbos creari, curarique. Quibus erratis ut irretiret simplices animos, in speciem sana quædam monita intermiscebat; amandum nempe esse Deum, preces fundendas, & hujusmodi similia; quam pietatem, si Superis placet, potitione terminabat. Postremò amuleta mortifera contra morbos grandinemque distribuebat, omnibus auditoribus severè injungens, ne Partibus è Societate Iesu, quæ abs se facta diætaque fuerant, revelarent; alioquin poenam loquacitatis luituros. Nostrorum tamen operâ plurimi, his incantationibus illaqueati, saniori timore perculsi, malum commercium abjurârunt, & peccata confessi, pernicioſo homini se subtraxerunt. Ex hoc Collegio excursionem ad pagos fructuissimè, quod idem factitatum est ab aliis Collegiorum excusoribus, quarum excursionum nobilissimæ fuerunt ad Calchaquinos Abiponesque.

**S**ANCITA pace inter Tucumanos Calchaquinosque, Philippus Albornosius Ægidii Cardinalis frater, Tucumanæ Præfector, ab Didaco Boro Provinciali anno proximè elapsò petierat, ut ad Calchaquinorum vallem Deo Regique Catholico conservandam Socii postliminiò mitterentur. Satis enim apparebat sine operâ Societatis diuturnam pacem esse non posse. Approbato Prætoris consilio, Didaci Botoæ jussu Ferdinandus Torreblanca, & Petrus Patricius, in Londinenisium paludem iustificatione degentes, per Diaguitatum offensione, aut itinerum periculis, interclusi erant: coactiisque sunt ad urbem Sancti Michaëlis venire, unde Luperci, novi Provincialis, jussu, liberali commecatu instructi discedentes, Calchaquinum vallem per altissimos montes ingressi, à primoribus gentis grato præter spem animo excepti, omnia vallis loca peragrarunt. Quo peracto, narraturi quid apud Calchaquinos viderant, quæque spes affulgeret dilatandi Christiani imperii insperati, redierant. Quos auditos Provincialis ad vallem remisit, cum mandatis ut alacres fundandis oppidis insisterent. Redeentes excepere Calchaquini alacriter, in loco opportuno extemporali opere facillum erigentes. Sed dæmon trophyum in agro suo erigi

non

*Vir effrenè  
domissa.**Æthiopes  
relatis.**Ægri fortui-  
tò reperti fe-  
lix mors.**Praefigato-  
rū artis elu-  
sa.*

CAPUT  
III.  
Apud Cal-  
chaquinos  
sedes Soci-  
etatis resti-  
tuatur.

*Socii ab Cal-  
chaquinos re-  
cipiuntur.**Sacella ex-  
istunt.*

non patiens, turbas excitavit, eò periculosiores, quò dissimulatores. Nonnulli enim mortales, prætenso religionis velo, sed zelo imprudenti, aliâ viâ in vallem penetrantes, severitate Indos ita exacerbarunt, ut parum ab seditione abfuerint: si tamen motus eorum discessu sunt sedati. Alia tumultuum causa fuit, intempestiva & futilis quorumdam Riocensium expedicio, Casiqui Diaguitarum facile principis oppidum sine mandato Regii præfecti invadentium. Quæ res ita commovit Calchaquinorun Diaquitis finitimarum Casiquum, ut rumor increbuerit per totam vallem, pacem inter Hispanos ruptam esse; ideoque arma expedienda Socios Iesu de medio tollendos; omnem aditum hostibus intercludendum. Socii quid in hoc periculo agerent dubii, Rectorem Saltensem per nuncium de novarum rerum conditione certum faciunt, à quo acceptâ redeundi potestate Ferdinandus Torreblanca, dissimulatione usus, statim è valle abiit. Petrus vero Parrius, utriusque simul abitionem periculo non carere ratus, tantisper in statione mansit. At cùm discriminum fama pererebresceret, ostensione confidentiæ securitatem aliquantulam quærens, multos circum pagos solus obivit: aususque est Cumbicham Calchaquinorum potentissimum arma jam parantem, non sine fructu, monere, ne vellet paucorum hominum insolentiam communibus armis reprimere, & latrocinium bello vindicare. Sed cùm alia turbulentorum seditiosorumque hominum cogitata spargerentur in vulgus, dissimulanter etiam è valle se proripiens, magnis itineribus Saltam petiit. Recognitâ, Didacus Boroa, vices Provincialis in Paraquaria absentis gerens, monet ut vallem citissimè repeterent, ne interruptæ operæ damnum genti afferrent, & spcm præscinderent pertinaciæ Calchaquinorum aliquando debellandæ. Non esse cur ad quemvis tumultū ventum timeretur. Satis sciri Barbarorum fuorem tam facilè sedari, quâm concitari, levemque ad eum evitandum declinationem sufficere: nullâ te ferociores & inamabiliores reddi impotentium hominum animos, quâm ostensâ suspicionis, dissidentiæ, & timoris umbrâ. His monitis cùm supervenissent nova Provincialis mandata, rursum se ad repetendam vallem accinxere: sed ambo Tucumania Prætotis decreto detenti sunt, revertentes si à Calchaquinis occiderentur, cogetur ipse in vindictam arma sumere, quæ satis occupanda forent Lusitanorum recenti rebellione. Verum paulò post imperatâ ab novo Prætore potestate, & Ecclesiasticis Illustrissimi Tucumanensis Episcopi indulxit instruēti, sedatis Barbarorum animis, iudicem Patres cum altero Socio in Calchaquinam vallem delati, non sine spe mansionis perpetuandæ, sedem sub Divi Caroli auspiciis, eodem quo ante loco, restauravere.

CAPUT  
IV.  
Ex itinere  
ad Abipones  
Mataranum excoluntur.

Mataranum-  
pones.

Parentandi  
modus.

**N**ec ignobilior fuit ad Abipones, nulli adhuc Sacerdoti pervios, per Mataranos expeditio. Hanc iniit Joannes Pastor, Esterensis Collegii Rector, cum alio Sacerdote, incensus desiderio imperii Christiani fines transigrediendi, novosque pervadendi: qui communicato cum Provinciali consilio, ex Tucumania metropoli egressus, iter habuit per deserta hominibus loca, usque dum ingrederebatur Mataranorum Indorum terras; quorum oppidum octoginta circiter leuis distabat unde discelerat. Matarana gens ebrietati dedita, circulares potitationes quotidie instituebat, aliis alias, partitis inter se diebus, in orbem invitantibus. Præter has quotidianas debacchationes, alias solemniores Matarani habebant, quas funerales vocabant, Majorum suorum impiis Manibus dedicatas, quorum mortis anno revertente die, ab heredibus convivium instruebatur, cuius præcipuum oblectamentum temulentia erat. Convivæ simul ac longo ordine convenerant, struthionem convivatori offerebant, quem præstantissima puella capiti impositum præferebat. Si contingenter eodem die ab uno plurimorum mortuorum memoriam celebrari, pro illorum numero tot struthiones eodem ritu maestabant, exhibebantque. Eidem convivatori quisque pro se munulculum tenebatur offerre, pæsto interposito, ut aliis sua parentalia facientibus idem præstarent officium. Et ferè non alia inter eos sanguinolentiores insurgebant lites, quâm ab istius pauci fractione: cuius adimplendi obligatio, non tantum ad præsentes, sed etiam ad eorum filios nepotesque hereditariâ necessitate transibat. Peractis triduo funeralibus epulis, per horam

integræ